

INUIT ATAQATIGIIT

INATSISARTUNI



20.01. 2010

Inatsisartut suleriaasianni § 36, imm. 1 naapertorlugu matumuuna imaattunik Naalackersuisunut apeqquteqarpunga:
(Inatsisartuni ilaasortaqa Jane Petersen, Inuit Ataqatigiit)

Apeqqutit:

1. Naalackersuisut pilersaaruteqarpat innarluutillit sulisinnaaneranun ataqatigiit peqqussutitigut aammalu inatsisitigut ersarissaassallutik?
2. Naalackersuisut pilersaaruteqarpat siusinaartumik sulisinnaajunnaarnersiutillit inuiaqatigiinni akulerusimanerulernissaannut iliuusissat ersarissassallugit, soorlu ilinniartitaanikkut, pikkorissarnikkut suliffissaqarniarnikkullu?
3. Naalagaaffiit Peqatigiit innarluutillit pisinnaatitaaffii pillugit isumaqatigiissutaat FN-p 13. december 2006 akuersissutigisaat Nunatsinnut aamma ator-tuulersinneqarnissaa siunertaralugu Naalackersuisut iliuuseqalersaarpat?

Tungavilersuut.

Inuiaqatigiinni peqqittuunissarput aammalu tamatta atorfissaqarnerput tamakkii-nerusumik inuiaqatigiinni piviusungussappat pisariaqarluinnartutut isigaara innarluutillit aammalu siusinaartumik sulisinnaajunnaarnersiutillit Nunatsinni inuttut ineriartornissaminnik periarfissaqartitaanissaat.

Ullumikkut ajoraluartumik innarluutilinnut sulisinnaanikkut aammalu ilinniartitaanikkut ilinniaqqinnissamut periarfissiissutaasut naammaginangilluinnarput. Innarluutillit ilinniartitaanikkut periarfissaqarnerat naammaginangeqaaq, taamaatumillu inuttut ineriartornissaminnik pakkersimaarneqarnerat inuiaqatigiini suliasatta ilagilluinnarpaat.

Ilaqutariinnermut Peqqissutsimullu Naalackersuisoqarfik aammalu Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisoqarfik april 2009-mi nalunaarutaanni ersersinneqarpoq innarluutillit aammalu siusinaartumik sulisinnaajunnaarnersiuteqartut atuartinneqarnissaminnut, ilinniagaqarnissaminnut suliffeqarnissaminnullu inatsisitigut neqeroorfigineqarnerat erseqqissaavigineqartariaqartoq. Nalunaarutip qupperneq qulingiluaanni (9) tamanna uppersarneraqarpoq, tassanimi imatut allassimasoqarpoq: "Inatsisitigut periarfissaqarluortoq innarluutilippassuit ilaqutaallu siusinaartumik pensionisiaqalernissamut innersuunneqakkajuttarput, imaluunniit atuartinneqaratik, ilinniartinneqaratik sulisinneqaratillu. Tamanna arlalinnik pissuteqarsinnaavoq:

- 1) **Inatsisinut taakkulu aqqutigalugit periarfissanut ilisimasaqannginneq.**
- 2) Tapersersortinik isumaginninnikkut perorsaanermik ilinniarsimasunik, suliamik ilinniagalinnik inunnillu suliassaqarfimmik immikkut ilisimasalinnik amigaateqarneq.
- 3) **Kommunit ataasiakkaanit innarluutilinnut negerooruteqannginneq – suliassaqarfimmik tunulliusinermik pissuteqakkajuttartog**
- 4) Innarluutillit assigiinngitsorpasuit siammasippallaarnerat
- 5) Innarluutillit pillugit inuiaqatigiinni nalinginnaasumik ilisimasaqannginneq.”

Annertuumik innarluutillit ikiorserneqartarnerat pillugu Inatsisartut peqqussutaat nr. 7, 3. november 1994-imeersoq akuersissutigineqaaqqaarmalli maannamut pingasoriarluni allangortinneqartarnikuuvoq, allannguutilli maannamut suli peqqussummi ataatsimut katersorneqarsimangillat. Tamanna patsisaalluni taamaamat tupinnanngilaq inatsisinut atuuttunut taakkulu aqqutigalugit periarfissanut kommuneni sullissisussanilu ilisimasaqanngippallaarneq ulloq mannamut atuummat. Taamaattumik pisariaqarsorinarpoq tamanna aqqiivigalugu innarluutillit sulisinnaanerannut atatillugu peqqussutitigut aammalu inatsisitigut ersarissaanissaq innarluutillit pitsaanerpaamik kiffartuunneqarnissaat siunertaralugu.

Inuiaqatigiinni innarluuteqartunik aammalu siusinaartumik sulisinnaajunnaarner-siuteqartunik ilaqarpugut ilaqartuassallutalu. Taakkua ilaat inuiaqatigiinni tamak-kiinngikkaluartumik suleqataanissartik aammalu ilinniartitaanikkut periarfissin-neqarnissartik kissaatigaat. Taamaattumik siusinaartumik sulisinnaajunnaar-nersiutillit ikiorsiissutisigut tunniuttakkat saniatigut sulisinnaanerisa siunissami aqqutissiuunniarnissaa, tamannalu qanoq iliuseqarfigineqassanersoq paaserusun-narpoq.

Isumaqarpungattaq innarluutillit pisinnaatitaaffiunut atatillugu nunat tamat isumaqatigiissutaannik atuutilersitsinissaq Nunatta suliassaasa ilagilluinnaraat. Innarluutillit pisinnaatitaaffii pillugit nunat tamalaat isumaqatigiissutissaat Naala-gaaffiit Peqatigiit (FN-p) 13. december 2006 akuersissutigivaat. Isumaqatigiissut taaneqartoq Nunatta ilannguffigissaneraa Naalakkersuisunit imaluunniit Inatsisar-tunit suli isummerfigineqanngilaq, taamaattumillu matumuuna Naalakkersuisut tamanna anguniarumallugu qanoq pilersaaruteqarnerisut paaserusunnarpoq.